

181
25
12



應教封內孝義錄序

客歲己酉春

公念

先世所賞孝義者。廼下編集之

命于學宮。即以臣格先人之忝學督也。俾

紆釐其事。且期以今年五月奉進。既而集

學貢八九。議之體裁。各分屬起稿數月。稿

十僅脫三四。而先人老病不起。以故日課

暫廢。臣格終喪如例。乃

命而假督之。於



是乎夙夜踴勉。相與討論而刪定之。謹體
公命之旨。循先子規道。文省冗雜。一主通曉。
手筆之日熟。編數有限。方纔訖功。但騰寫
後期數日而告成。國相稱善。遂進呈。題曰
封內孝義錄。凡若干卷。分部為四。曰諸士。
曰凡下。曰農民。曰商戶。計士庶七百零五
人矣。繼而命臣格為之序。蓋孝義者人
道之至善。而其賞此者。

國家之舊典矣。夫有善焉。不賞。曷以勸民。
賞焉而不筆。曷以訓世。筆焉不雅。曷以垂美
于無窮。自古文獻之可尚。蓋是已。今舉
先世所賞者。漫寄諸吏議簿書中。年時先
後行。實之甲乙。披覽之不勝其紛也。遺彼
而失此者。有焉。其可哉。

公是以思欲漢文錄之。簡且要。以便于座
右。斯則編集之所由。命也歟。臣格伏惟

自今之後。

公政治之暇。一披是編也。所謂孝悌也。貞婦也。復讐也。節婦也。忠僕也。續續乎不待呼招而來。羅拜几案前。恍若親覩其人。再賞其善則。

公意宜如何矣。

除

公於此際。或復思乎。先世孝義之盛。若

是因恐今之未必為優。一以自鑑。一以愧

勵廷臣。不止供覽觀而已。庶有實獲于。是編矣。雖然。

公念慮深遠。所存非臣等之所得而臆度也。抑。

公以客歲三月。

徐陰隲外

特旨召封內耆老男女八旬以上者。錄其

名。連千。而其來預養者。面沾

其無病故及期四集

恩賜者五百餘人。其于儀則一從乎時宜。

預養者

有司錄上其各三十

而面合夫禮焉者有之故學士大夫莫不咨嗟
賞而謂幸生今日見斯盛典顧期月之間
不特其子弟油然興遜讓之節市井無賴
且往々自知有父兄在或頓革面目人心
可知蓋

公至仁老老之意霸然于上故一令之下
感化之速如此詩云之矣懽悌君子遐不
作人信夫敬一人而千萬人悅先王之治

夫豈過哉是非臣格之私言天下之人傳
而稱之且屬望于

賢君非一日矣由是觀之堂々雄藩人口
數百萬及是時尊賢使能明其賞罰何必
待累世之久而始出僅々七百人之孝義
也哉然夫孝義者人道之至善雖王政所先舉
大國之衆遽丕變豈可得乎要唯德之流行速
于置郵傳命者果能沛然決自

君德之源莫之能禦焉則使盛美之治仁義之
風隆起于我東孰復謂不可庶幾歟是亦臣格先人
區、私情所期于

國家而不及觀之竟賣志入地何其不幸
也噫臣格不肖進而不能答明廷退而
不能償父志愧夫孝義者多矣顧學行穉昧
不足表于同列爰辱序文之命而誼非
可辭惴、焉不稱其任是懼然雖

公之宏度苟憐愚衷而勿罪僭言賜
教于他日斯幸甚矣與臣格假督是事者臣
宮崎宣卿餘節錄者姓名具之編末

嘉永三年九月府學學頭臣大槻格謹序

OU
II
24

II

24

CL 181
NO. 25
Vol 12